

道德真經玄德纂疏

道德真經玄德纂疏卷之四

使四

道德真經玄德纂疏卷之五

使五

道德真經玄德纂疏卷之六

使六

道德真經玄德纂疏卷之四

使四

唐玄宗御註并疏

河上公嚴君平李榮註

西華法師成玄英疏

濠陽強思齊纂

寵辱若驚章第十三寵辱章所以次前者前章正辯

根塵等法舉體不真故以此章明身反榮華適為患本就此一章分為三別第一總言寵辱貴患不殊第二假設疑問辯其所以第三按量貴愛顯其得失

第一總言寵辱貴患不殊夫代上尊榮無過九

寵辱若驚

使四

五人之死地唯十有三開寵辱之兩途明衆生之不悟家門赫赫大冠長劍之雄祿爵巍巍佩劍垂纓之盛豈知夫玄黹一秩赤族便來故霍光以芒刺生憂楊惲以豆箕成禍老君大戒寵辱須驚念我凡夫心情不鑒入朝廷而不賞出當寵而恒安田實所以相傾爲執當之要

御註操之則慄捨之則悲未忘寵辱故皆驚也○御疏若如也言寵辱之驚相如也夫操之則寵捨之則辱言人不能心齊榮辱矜徇功名執權旣以爲光寵失勢自傷於卑辱光寵則矜恃卑辱則驚嗟故陳戒

使若驚欲令齊其寵辱○河上公曰身寵亦驚身辱亦驚○榮曰官高而慮危賤極而多耻皆懼也○成疏寵爲榮愛之名辱是戮耻之稱若如也驚恐也言人得寵則逸豫喜歡遭辱則怵惕憂患故得寵心驚喜遭辱心驚怖喜怖雖異爲驚即同故言若也然喜怖之情皆非真性者也是以達者譬窮通於寒暑比榮辱於儻來生死不撓其神可貴賤之能驚也

貴大患若身

卷四第 二

御註身爲患本故矜貴其身即如貴大患
矣此合云貴身如貴大患而乃云貴大患
如身者欲明起心貴身即是大患有貴即
身是大患故云貴大患如身若如也此上
兩句正標也○御疏貴矜貴也若亦如也

使四

身者禍患之源夫耽翫聲色矜競榮華皆
爲有身遂成患本即貴其身者復何貴乎
貴大患矣即身是患等無有異未能無患
祇爲有身即此貴身同貴大患若能無患
亦復忘身是知患由貴生身爲患本故云

貴大患若身○河上公曰復還自問故畏
大患至身也○榮曰夫外其身者得失難
駭貴其身者寵辱易驚若也貴身即有大
患故言貴大患若身也○成疏貴謂爵位
亦是自貴己身也大患謂煩惱老病等也
言凡人但知矜貴此身而惡大患不知大
患即是我身多求資養終歸滅壞故貴身
即是貴患惡患即可惡身為貴與大患俱
以身為本故言若也

第二假設疑問辯其所以

何謂寵辱寵爲下

御註前標寵辱如驚恐人不了故問何謂
寵辱夫得寵僥盈無不生禍足知寵爲辱
本故荅云寵爲下也○御疏前標寵辱若
驚恐人不曉故設問云何謂寵辱還自荅

仗四

三

云寵爲下所以明寵爲下者夫恃寵即僥
盈僥盈則生禍因寵獲禍則寵爲辱本故
云寵爲下也○河上公曰何謂寵辱問何
謂寵何謂辱寵者愛榮辱者恥及身還自
問者以曉人也寵爲下辱爲下賤○榮曰

何謂寵辱起問寵爲下釋出也寵爲貴應
言上辱爲賤應言下今說寵則知有辱言
下自明於上不能具出略舉也若依文而
解俗愛榮華以寵爲上居高近危榮來辱
及寵爲下○成疏何謂寵辱假設疑問也
寵爲下得之若驚失之若驚解釋其義也
世情顛倒以寵爲上惠心觀照足爲鄙下
何者爲得寵心驚喜失寵心驚怖此之兩
驚本由一寵故可爲下也

得之若驚失之若驚是爲寵辱若驚

卷第四

御註寵辱循環寵爲辱本凡情或滯驚辱而不驚寵故聖人戒云汝之得寵當如汝得辱而驚則汝之失寵得辱亦如吾戒汝得寵而驚懼也故經云是謂寵辱若驚○御疏得則爲寵失則爲辱若驚者夫寵辱循環故寵爲辱本代間衆生得寵則欣喜得辱則驚懼故聖人戒云禍福循環譬之糺墨寵辱無定豈可獨驚辱來旣驚其禍患寵至亦驚其僥逸其驚相若故經云是謂寵辱若驚也○河上公曰得之若驚得

者寵榮驚者處高位如臨危貴不敢憍富
不敢奢失之若驚失者失寵處辱驚者恐
禍重來是爲寵辱若驚解上得之而驚失
之而驚也○榮曰寵則榮來辱便枯至得
之與失並悉皆驚唯虛澹之人不駭其慮
使四
是謂寵辱若驚也結上義也○成疏是謂
寵辱若驚結成辱寵之義

何謂貴大患若身

御註恐人不曉即身是患本故問也○河
上公曰復還自問故畏大患至身也○榮

卷第四五

曰問也○成疏假設問

吾所以有大患者爲吾有身

御註身相虛幻本無真實爲患本者以吾
執有其身痛痒寒溫故爲身患○御疏吾
所以有此大患者爲吾執有身相好榮惡
辱辯是與非不得則大憂懼心神內竭於
貪欲形骸外困於奔競茆然疲役非患而
何○河上公曰吾所以有大患者爲吾有
身則憂其勤勞念其饑寒觸情從欲則遇
禍患榮解也有身滯榮悴之病兼生死之

災故云大患也○成疏此答前問執著我
身不能忘遣爲身愁毒即是大患故知貴
我身者與患不殊故西昇經云身爲惱本
痛痒寒溫吾拘於身知爲大患也
及吾無身吾有何患

使四

五

御註能知天地委和皆非我有離形去智
了身非身同於大通夫有何患也○御疏
無身者謂能體了身相虛幻本非真實即
當坐忘遺照墮體黜聰同大通之無主均
委和之非我自然榮辱之途泯愛惡之心

息所謂帝之懸解復何繫於大患乎故云
及吾無身吾有何患註云委和者莊子承
荅舜云身非汝有是天地之委和○河上
公曰使吾無身體得道自然輕舉昇雲出
入無間與道通神當有何患○嚴曰休心
道德記志神明和爲中主澹若不生無計
之計經營天地無慮之慮翱翔混冥存忘
變化不以爲異尊寵卑賤無所少多貴大
亡於身故大患不能得天網不能取也○
榮曰虛已忘心無身也是非患累起在於

身身苟忘也則死生不能累寵辱不能驚
何患之有○成疏只爲有所以有身患身
既無矣患豈有焉故我無身患將安託所
言無者坐忘喪我墮體離形即身無身無
身非是滅壞而稱無也

第三校量貴愛顯其得失

故貴以身爲天下若可寄天下愛以身爲天
下若可託天下

御註此章首標寵辱之戒後以寄託結成
者夫寵辱若驚未忘寵辱貴愛以爲未忘

貴愛故以辱校寵則辱不如寵以貴方愛
則貴不如愛驚寵辱者尚有寵辱介懷存
貴愛者未爲兼忘天下故初則使驚寵辱
後欲令寵辱俱忘假寄託之名辯兼忘之
極致忘寵辱無所復驚忘身即無爲患本

使四

六

忘天下則無寄託之近名○御疏言人君
自矜貴其身以爲天下之主者貴身則陵
人人故不附可暫寄耳若自愛其身以爲
天下之主者愛身則慈人人則樂推故可
託身於萬人之上長爲之主矣然此章首

標驚寵辱結以寄託者欲明驚寵辱不若
忘寵辱存貴愛不若忘天下故爲大患爲
吾有身驚寵辱未能物我都忘則百慮一
致矜有則萬殊爭長故忘寵辱則無所復
驚忘身則無爲患本忘天下則無寄託之
近名然後上有太上之君下有下知之臣
無爲無不爲不德而有德矣○河上公曰
故貴以身爲天下若可寄天下言人君故
貴其身而賤人欲爲天下主者則可寄立
不可以久愛以身爲天下若可託天下言